



2609-68/ |

Republic of the Philippines
Department of Education
REGION I
SCHOOLS DIVISION OF VIGAN CITY

Advisory No. 176, s. 2026

22 SEP 2026

In compliance with DepEd Order (DO) No. 8, s. 2023
This advisory is issued not for endorsement per DO No. 28, s. 2001,
But only for the information of DepEd Officials,
Personnel/staff, as well as the concerned public.

GAWAD JULIAN CRUZ BALMASEDA 2027, TUMATANGGAP NA NG LAHOK!

Ang Gawad Julian Cruz Balmaseda ay ang pinakamataas na pagkilala na handog ng KWF para sa natatanging tesis at disertasyon sa agham, matematika, agham panlipunan, at iba pang kaugnay na larangan gamit ang wikang Filipino.

Layunin nito na hikayatin at palaganapin, sa pamamagitan ng sistemang mga insentibo, grant, at gawad, ang pagsusulat at publikasyon sa Filipino at ibang mga wika ng Pilipinas ng mga akdang orihinal, kabilang ang mga teksbuk at sangguniang materyales sa iba't ibang disiplina.

May dalawang katagorya ang gawad: (1) tesis at (2) disertasyon. May isang magwawagi lamang sa bawat katagorya. Maaari ding walang tatanghaling magwawagi sa alinmang katagorya.

Makatatanggap ng halagang PHP100,000.00 (net) at isang plake ng pagkilala ang magwawagi sa mga katagorya ng naturang gawad. Lahat ng kopya ng mga lahok, nanalo man o natalo, ay hindi na ibabalik sa mga kalahok. Angkin ng KWF ang unang opsiyon na mailathala ang mga nagwaging lahok nang walang royalti sa may-akda.

Ang partisipasyon ng mga guro at mag-aaral ay **boluntaryo** at naayon sa DepEd Order No. 9, s. 2005 (*Instituting Measures to Increase Engaged Time-On-Task*) at DepEd Order No. 9, s. 2026 (*Guidelines on the Implementation of the Three-Term School Calendar in Basic Education*).

Para sa mga tuntunin at iba pang detalye, basahin ang nakalakip na liham paanyaya.

Para sa iba pang katanungan, mag-email sa timpalak.gawad@kwf.gov.ph.

SGOD/aff/ADV_GawadJulianCruzBalmaseda2027
September 21, 2026



📍 Mena Crisologo St. corner Rivero St., Brgy. IX, Vigan City, Ilocos Sur
☎ (077) 604-49-44 / (077) 632-05-33
✉ vigan.city@deped.gov.ph
🌐 www.depedviganacity.com

Gawad Julian Cruz Balmaseda 2027, tumatanggap na ng lahok!

From kwf press release <kwf.pressrelease@kwf.gov.ph>

Date Mon 07/09/2026 15:01

To DEPED VIGAN CITY <vigan.city@deped.gov.ph>

2009-631 E NYK

 1 attachment (308 KB)

Gawad Julian Cruz Balmaseda 2027, tumatanggap na ng lahok!.jif;

Gawad Julian Cruz Balmaseda 2027, tumatanggap na ng lahok!

Ang Gawad Julian Cruz Balmaseda ay ang pinakamataas na pagkilála na handog ng KWF para sa natatanging tesis at disertasyon sa agham, matematika, agham panlipunan, at iba pang kaugnay na larangan gamit ang wikang Filipino.

Layunin nitó na hikayatin at palaganapin, sa pamamagitan ng sistemang mga insentibo, grant, at gawad, ang pagsusulat at publikasyon sa Filipino at ibang mga wika ng Pilipinas ng mga akdang orihinal, kabilang ang mga teksbuk at sangguniang materyales sa iba't ibang disiplina.

May dalawang katagorya ang gawad: (1) tesis at (2) disertasyon. May isang magwawagi lámang sa bawat katagorya. Maaari ding walang tatanghaling magwawagi sa alinmang katagorya.

Nagsimula ang gawad noong 2015 at nakapagtala ng sampung nagwagi: Marlon S. Delupio, disertasyon sa kasaysayan (2015); Gilbert E. Macarandang, disertasyon sa agham pampolitika at Roman Sarmiento Jr., tesis sa kasaysayan (2016); Lovella G. Velasco, disertasyon sa panitikan, at Christian Ezekiel J. Fajardo, tesis sa antropolohiya (2017); Emmanuel S. De Leon, disertasyon sa pilosopiya (2018); Wenilyn F. Fajilan, disertasyon sa pagsasalin (2019); Regina Starr B. Abelardo, tesis sa musika at panitikan (2020); Roque Augustus L. Lamadrid, tesis sa araling kultural at Jonathan V. Geronimo, disertasyon sa araling kultural (2022); Kristine Mae M. Nares, tesis sa araling kultural, at Mariyel Hiyas C. Liwanag, disertasyon sa araling wika (2025); at Darwin P. Plaza, tesis sa katutubong kaalaman sa kalamidad, at Ferdinand P. Jarin, disertasyon sa panitikan ng banwa at bansa (2026).

Makatatanggap ng halagang PHP100,000.00 (net) at isang plake ng pagkilála ang magwawagi sa mga katagorya ng naturang gawad. Lahat ng kopya ng mga lahok, nanalo man o natalo, ay hindi na ibabalik sa mga kalahok. Angkin ng KWF ang unang opsiyon na mailathala ang mga nagwaging lahok nang walang royalti sa may-akda.

TUNTUNIN:

1. Ang gawad ay bukás sa lahat ng mga estudyante, babae man o laláki, sa antas gradwado (masteral at doktorado), maliban sa mga empleado ng KWF at kanilang mga kaanak.
2. Ang ilalahok na tesis at/o disertasyon ay naipagtanggol at naipasá sa mga taóng 2023–2025.
3. Kinakailangan itong isulat bílang kahingian sa mga kursong may kaugnayan sa agham, matematika, agham panlipunan, humanidades, at sa iba pang kaugnay na larangan.
4. Kailangang orihinal na isinulat at ipinagtanggol sa wikang Filipino ang lahok, orihinal na gawa ng may-akda, hindi pa nailalathala bílang aklat, at hindi rin salin mula sa ibang wika.

5. Marapat na gamitin ang KWF Manwal sa Masinop na Pagsulat (MMP) (i-download ang libre sipi sa website ng KWF) bílang format sa pagsulat ng talababa, talasanggunian, at iba pa.

6. Para sa paglahok, kinakailangang isumite nang apat (4) na limbag na kopyang makinilyado o computerized (hardcopy). Ang kopya ng mga lahok ay kinakailangang walang taglay na anumang pagkakakilanlan ng may-akda. Nangangahulugan ito ng pag-aalis ng mga preliminaryong pahina ng tesis at disertasyon na nagtataglay ng pagkakakilanlan ng may-akda. Tanging pamagat ng tesis/disertasyon at sagisag-panulat lámang ang pahihintulutang nakalimbag sa manuskrito.

7. Ang mga preliminaryong pahina ng tesis/disertasyon, gaya ng katibayan ng pagsang-ayon, tungkol sa mananaliksik o bionote, pasasalamat, pag-aalay, pahina ng grado at ebalwasyon, at iba pang katulad ay ilalaki sa isang bukod na brown envelope, kasáma ang sumusunod:

7.1. Apat (4) na kopya ng limbag na lahok (softbound o ring bind);

7.2. curriculum vitae ng may-akda;

7.3. pormularyo ng paglahok: <https://drive.google.com/.../1b3aKAB7jj9Us4urZiQS.../view...>

7.4. notaryadong awtentipikasyon ng lahok;

7.5. notaryadong katibayan ng etikong pananaliksik (walang plahiyo) na nilagdaan ng tagapayo;

7.6. rekomendasyon mula sa dalawang propesor sa kinabibilangang larangan;

7.7. rekomendasyon mula sa tagapangulo ng kinabibilangang departamento;

7.8. rekomendasyon mula sa dekano/a ng kinabibilangang kolehiyo; at

7.9. dihital na kopya ng lahok na nása isang universal serial bus (USB) drive.

8. Ang dokumentong ito ay nakalagay sa isang expanding envelope na may pangalan at adres ng kalahok. Ipadadala ang mga lahok sa:

Lupon sa Gawad Julian Cruz Balmaseda 2027

Komisyon sa Wikang Filipino

2P Gusaling Watson, 1610 Kalye J.P. Laurel,

1005 San Miguel, Lungsod Maynila

9. Ang hulíng araw ng pagsusumite ng mga lahok ay sa 8 Oktubre 2026, 5:00 nh. Para sa mga ipinadala sa pamamagitan ng koreo, tatanggapin lámang ng KWF ang mga lahok na naipadala bago o sa nabanggit na petsa.

10. Ang mga magwawagi sa kategorya ng tesis at disertasyon ay makatatanggap ng PHP100,000.00 (net), plake, at medalya. May isang magwawagi lámang sa bawat kategorya. Maaari ding walang tatanghaling magwawagi sa alinmang kategorya. Angkin ng KWF ang unang opsiyon na mailathala ang mga nagwaging lahok nang walang royalti sa may-akda.

11. Ang pasiya ng Lupon ng Inampalan ay pinal at hindi na mababago.

12. Hindi patatawarin ang sinumang mahuhúli nagplahiyo. Kakanselahin ng KWF ang ipinagwaging lahok at hindi na muling makasali sa alinmang timpalak ng KWF.

13. Ang mga dokumentong ipinadala ng mga lumahok, nanalo o hindi, ay hindi na ibabalik sa mga may-ari.

14. Para sa karagdagang detalye, mag-email sa timpalak.gawad@kwf.gov.ph.

Paalala: Para sa pagbubukas ng mga link, tiyaking kayo ay naka-login sa inyong Google account upang maakses ang mga pormularyo.